

一 心 運 慈 悲 道 場 罪 法
歸 命 三 世 諸 佛

南無 過去毘婆尸佛

南無

戶

棄

佛

南無

毘

舍 浮

佛

南無

拘

留 孫

佛

南無

拘那含牟尼佛

佛

南無

迦

葉

佛

南無

迦

牟尼佛

佛

南無

本師釋迦牟尼佛

佛

慈悲道場懺法卷第九

九

為阿鼻地獄禮佛第二十七

今日道場同業大眾從歸依已來迄此章後每言萬法雖差功過不一至於明闇相形唯善與惡善者則謂人天之勝途惡者則謂三塗之異轍修仁義則歸於勝興殘害則墮於劣其居勝者良由業勝非諍競之所要受自然之妙樂趣無上之道遙其隊劣者良由業劣處於火城鐵網之中食則鐵丸熱鐵飲則沸石燬銅壽算踰於造化劫數等於無窮又

地獄之苦不可親與神離此軀識投彼城報
以刀輪加體償以火磨毀形命不肯促抱苦
長齡縱復獲免又墮餓鬼口中火出命不全
活從此死已又墮畜生復受衆苦肌肉充饋

命不盡於算數分布鼎鑊星羅机案或復負
重致遠驅役險難實三惡之重苦悲長夜之
難旦而優劣皎然無能信者以吾我故好起
疑惑以疑惑故多不向善所以佛言世有十
事死入惡道意不專善不修功德貪著飲食
如彼餓虎耽戀酒色喜懷瞋毒常習愚癡不

受人諫自任其力辦諸惡事好殺衆生陵易
孤弱恒黨惡人侵暴他界有所宣說言不真
實不慈一切起諸惡業若人如是不久存世
死入惡道

今日道場同業大眾如佛所言誰能免者既
不能免於地獄中皆有罪分大眾各各覺悟
金九
此意無自放逸宜與時競行菩薩道勤求諸
法利益衆生一自滅罪二生他福此則自利
利他彼我無異相與今日起勇猛心起堅固
心起慈悲心度一切心救衆生心至坐道場

勿忘此願仰承十方盡虛空界一切諸佛諸
大菩薩大神通力大慈悲力解脫地獄力濟
度餓鬼力救拔畜生力大神咒力大威猛力
令等所作利益所願成就等一痛切五體投
地爲阿鼻大地獄受苦衆生乃至黑闇地獄
十八寒地獄十八熱地獄十八刀輪地獄劍
林地獄火車地獄沸屎地獄鑊湯地獄如是
地獄復有八萬四千眷屬等獄其中受苦一
切衆生我等以菩提心以菩提行以菩提願
悉皆代爲歸依世間大慈悲父

南無彌勒佛 南無釋迦牟尼佛
南無大音讚佛 南無淨願佛
南無攝身佛 南無威德勢佛
南無刹利佛 南無德乘佛
南無上金佛 南無解脫髻佛
南無樂法佛 南無住行佛
南無捨憍慢佛 南無智藏佛
南無梵行佛 南無栴檀佛
南無無憂名佛 南無端嚴身佛

南無相國佛 南無蓮華佛
南無無邊德佛 南無天光佛
南無慧華佛 南無頻頭摩佛
南無智富佛
南無師子遊戲菩薩 南無師子奮迅菩薩
南無地藏菩薩 南無無邊身菩薩
南無觀世音菩薩

生以佛方法力諸菩薩力一切賢聖力今
日受苦衆生即得解脫畢竟不復墮於地獄
一切罪障悉得銷滅畢竟不復作地獄業捨
地獄生得淨土生捨地獄命得智慧命捨地
獄身得金剛身捨地獄苦得涅槃樂念地獄
苦發菩提心四無量心六波羅蜜常得現前
四無礙智六神通力如意自在具足智慧行
菩薩道勇猛精進不休不息乃至進修滿十
地行入金剛心成等正覺
爲灰河鐵丸等地獄禮佛第二十八

今日道場同業大眾重復至誠五體投地爲
灰河地獄劍林地獄刺杯地獄銅柱地獄鐵
機地獄鐵網地獄鐵屈地獄鐵丸地獄尖石
地獄如是十方盡虛空界一切地獄今日現
受苦一切衆生我等以菩提心普爲歸依世

間大慈悲父

南無彌勒佛 南無釋迦牟尼佛
南無梵財佛 南無寶手佛
南無淨根佛 南無具足論佛
南無上論佛 南無弗沙佛

南無提沙佛 南無有日佛
南無出泥佛 南無得智佛
南無謨羅佛 南無上吉佛
南無法樂佛 南無求勝佛
南無智慧佛 南無善聖佛
南無網光佛 南無瑞藏佛
南無名聞佛 南無利寂佛
南無教化佛 南無日明佛
南無善明佛 南無衆德上明佛
南無寶德佛

南無師子旛菩薩 南無師子作菩薩
南無地藏菩薩 南無無邊身菩薩
南無觀世音菩薩

又復歸依如是十方盡虛空界一切三寶願
以慈悲力同加救拔願今日現受灰河等地

金光五
獄受苦一切衆生皆得解脫一切苦果永得

除滅地獄道業畢竟清淨捨地獄身得金剛
身捨地獄苦得涅槃樂憶地獄苦發菩提心
同出火宅至于道場與諸菩薩俱成正覺
爲飲銅炭坑等地獄禮佛第二十九

今日道場同業大眾重復至心五體投地普
爲十方盡虛空界一切地獄飲銅地獄衆合
地獄叫喚地獄大叫喚地獄熱地獄大熱地
獄炭坑燒林如是等無量無邊眷屬等獄今
日現受苦衆生我等以菩提心普代歸依世
間大慈悲父

南無彌勒佛 南無釋迦牟尼佛
南無人月佛 南無羅睺佛
南無甘露明佛 南無妙意佛
南無大明佛 南無一切主佛

南無 樂智佛
南無 寂滅佛
南無 天王佛
南無 妙華佛
南無 功德威聚佛
南無 知住義佛
南無 智無等佛
南無 甘露音佛
南無 善手佛
南無 利慧佛
南無 思解脫義佛
南無 勝音佛
南無 梨陀行佛
南無 善義佛
南無 行善佛

南無 山王佛
南無 德聚佛
南無 妙音聲佛
南無 觀世音菩薩

南無 堅勇精進菩薩
南無 地藏菩薩
南無 無邊身菩薩
又復歸依如是十方盡虛空界一切三寶願
以慈悲力同加救拔願飲銅等地獄現受苦
衆生一切罪障皆得銷滅一切衆苦皆得解
脫從今日去畢竟不復墮於地獄捨地獄生
得淨土生捨地獄命得智慧命四無量心六
波羅蜜常得現前四無礙辯六神通力如意
自在出地獄道得涅槃道等與如來俱成正

覺

爲刀兵銅釜等地獄禮佛第三十

今日道場同業大眾重復至誠普爲十方盡
虛空界一切地獄想地獄黑砂地獄釘身地
獄火井地獄石臼地獄沸砂地獄刀兵地獄
饑餓地獄銅釜地獄如是等無量地獄今日
現受苦衆生我等今日以菩提心力普爲歸
依世間大慈悲父

南無彌勒佛 南無釋迦牟尼佛
南無華藏佛 南無妙光佛

南無樂說佛 南無善濟佛
南無衆王佛 南無離畏佛
南無辯才日佛 南無名聞佛
南無寶月明佛 南無上意佛
南無無畏佛 南無大見佛
分九
南無梵音佛 南無大見佛
南無慧濟佛 南無大見佛
南無金剛軍佛 南無無等意佛
南無樹王佛 南無菩提意佛
南無福德力佛 南無槃陀音佛
南無勢德佛

南無聖愛佛 南無勢行佛
南無琥珀佛 南無樂知佛

南無棄陰蓋菩薩 南無寂根菩薩
南無地藏菩薩 南無無邊身菩薩
南無觀世音菩薩

又復歸依如是十方盡虛空界一切三寶願
以慈悲力同加救護願刀兵等一切地獄眷
屬等獄受苦衆生今日即得解脫一切衆苦
永得除斷離地獄緣得智慧生憶地獄苦發
菩提心行菩薩行不休不息入一乘道滿十

地行皆以神力還接一切同坐道場俱登正
覺

爲火城刀山等地獄禮佛第三十一

今日道場同業大眾重復至誠普爲十方盡
虛空界一切地獄火城地獄石窟地獄湯澆

地獄刀山地獄虎狼地獄鐵牀地獄熱風地
獄吐火地獄如是等無量無邊眷屬等獄今
日受苦衆生我等以菩提心力普爲歸依世
間大慈悲父

南無彌勒佛 南無釋迦牟尼佛

南無雷音雲佛 南無善愛目佛
南無善智佛 南無具足佛
南無寶積佛 南無大音佛
南無法相佛 南無智音佛
南無虛空佛 南無祠音佛
公九
南無慧音差別佛 南無功德光佛
南無聖王佛 南無衆意佛
南無辨才輪佛 南無善寂佛
南無月面佛 南無日名佛
南無無垢佛 南無功德集佛

南無華德相佛 南無辯才國佛
南無寶施佛 南無愛月佛
南無不高佛 南無常不離世菩薩
南無地藏菩薩 南無無邊身菩薩
南無觀世音菩薩 南無觀世音菩薩

又復歸依如是十方盡虛空界一切三寶願
以慈悲力同加攝受願刀山等地獄今日現
受苦衆生即得解脫乃至十方不可說一切
地獄現受苦嘗受苦一切衆生願以佛力法

力菩薩力賢聖力令諸衆生同得解脫永斷

十方諸地獄業從今已去至于道場畢竟不復墮於三塗捨身受身常值諸佛具足智慧清淨自在勇猛精進不休不息乃至進修滿十地行登金剛心入種智果以佛神力隨心

自在

爲餓鬼道禮佛第三十二

今日道場同業大眾重復至誠五體投地普爲十方盡虛空界一切餓鬼道餓鬼神等一切餓鬼各及眷屬我等今日以菩提心力普

爲歸依世間大慈悲父

南無彌勒佛 南無釋迦牟尼佛

南無師子力佛 南無自在王佛

南無無量淨佛 南無等定佛

南無不壞佛 南無滅垢佛

南無不失方便佛 南無無燒佛

南無妙面佛 南無智制住佛

南無法師王佛 南無大天佛

南無深意佛 南無無量佛

南無法力佛 南無世供養佛

南無華光佛 南無三世供佛
南無應日藏佛 南無天供養佛
南無上智人佛 南無真髻佛
南無信甘露佛 南無金剛佛
南無堅固佛

南無藥王菩薩 南無藥上菩薩
南無地藏菩薩 南無無邊身菩薩
南無觀世音菩薩

又復歸依如是十方盡虛空界一切三寶願
以慈悲力同加攝受願東西南北四維上下

盡十方界一切餓鬼道一切餓鬼神各及眷屬一切餓鬼各及眷屬一切罪障皆得消滅
一切衆苦皆得解脫身心清涼無復熱惱身心飽滿無復饑渴得甘露味開智慧眼四無量心六波羅蜜常得現前四無礙智六神通

公九
力如意自在離餓鬼道入涅槃道等與諸佛俱成正覺

爲畜生道禮佛第三十三

今日道場同業大眾重復運心五體投地普爲東西南北四維上下如是十方盡虛空界

一切畜生道四生衆生若大若小水陸空界
一切衆生各及眷屬我等今日以慈悲心力
普爲歸依世間大慈悲父

南無 駁 勸 佛 南無 釋迦牟尼佛
南無 寶肩明佛 南無 梨陀步佛
南無 隨 日 佛 南無 清 淨 佛
南無 明 力 佛 南無 功 德 聚 佛
南無 具 足 德 佛 南無 師 子 行 佛
南無 高 出 佛 南無 華 施 佛
南無 珠 明 佛 南無 蓮 華 佛

南無 愛 智 佛 南無 摩陀嚴 佛
南無 不 虛 行 佛 南無 生 法 佛
南無 相 明 佛 南無 思 惟 樂 佛
南無 樂 解 脱 佛 南無 知 道 理 佛
南無 常 精 進 菩薩 南無 不 休 息 菩薩
南無 地 藏 菩薩 南無 無 邊 身 菩薩
南無 觀 世 音 菩薩

又復歸依如是十方盡虛空界一切三寶願
以慈悲力同加攝受願東西南北四維上下
盡虛空界一切畜生道四生衆生各及眷屬

一切罪障皆得消滅一切衆苦皆得解脫同
捨惡趣俱得道果身心安樂如第三禪四無
量心六波羅密常得現前四無礙智六神通
力如意自在離畜生道入涅槃道登金剛心
成等正覺

爲六道發願第三十四

我等以今奉爲諸天諸仙龍神八部禮佛功
德因緣願十方盡虛空界四生六道窮未來
際一切衆生從今日去至于菩提不復枉誤
形骸受諸楚毒不復造十惡五逆更入三塗

承今禮佛功德因緣各得菩薩摩訶薩淨身
口業各得菩薩摩訶薩大心大地心生諸善
根大海心受持諸佛智慧大法須彌山心令
一切安住無上菩提摩尼寶心遠離煩惱金
剛心決定諸法堅固心衆魔外道不能沮壞

蓮華心一切諸法所不能染優曇鉢華心一
切劫中難得值遇淨日心除滅一切愚癡暗
障虛空心一切衆生無能量者又願四生六
道一切衆生從今日去思量識性思量決信
解性思量調戲常思法語所有皆施心無愛

惜心心勇猛不懷怯弱所修功德悉施一切

不還邪道專心一向見善如化見惡如夢捨離生死速出三界明了觀察甚深妙法各得供養一切諸佛供養衆具皆悉滿足各得供養一切尊法供養衆具皆悉滿足各得供養一切菩薩供養衆具皆悉滿足各得供養一切賢聖供養衆具皆悉滿足若有後流一切衆生異我等今日願界者皆悉令入大願海中即得成就功德智慧以佛神力隨心自在等與如來俱成正覺

誓念無常第三十五

今日道場同業大眾相與已得爲六道禮懺發願竟次復應須悟世無常夫三世罪福因果相生惻然在心慮不斯隔常謂影響相符乃可胡越善惡之致非可得而舛也惟願大眾覺悟無常勤修行業以自資身勿生懈怠而不努力智者常歎假使千萬億歲受五欲樂終不得免三惡道苦況我百年而不得半於此促期那得自寬且世間幻惑終歸磨滅有者皆盡高者亦墮合會有離生必應死父

母兄弟妻子眷屬愛徹骨髓當捨壽時不得
相代重官厚祿榮華豪貴錢財寶物亦不能
延人之壽命亦不可以言辭飲食求囑脫者
無形之對誰能留者經云死者盡也氣絕神
逝形骸蕭索人物一統無生不終而捨命時
三九受大苦惱內外六親圍繞號哭死者惶怖莫
知依投身虛體冷氣將欲盡見先所作善惡
報相森然在目其修善者天神扶衛其行惡
者牛頭驅逐獄卒羅刹永無寬恕慈親孝子
不能相救夫妻恩愛相看就盡風刀解身苦

不可言死者爾時肝膽寸裂無量痛懼一時
同集神識周憚如狂如醉決欲起一念善作
一毫福懷恨在心不復能得如是苦惱無人
代受涅槃經言死者於險難處無有資糧去
處懸遠又無伴侶晝夜常行無有邊際深邃
幽闇無有光明入無遮止到不得脫生不修
福死歸苦處愁毒亭酸不可療治非是惡色
令人怖畏

今日道場同業大眾生死果報如環無窮孤
魂獨逝無人見者不可尋覓不可物寄唯各

努力捍勞忍苦勤修四等六波羅蜜以爲獨
逝諸趣之資莫以強健而自安心宜各至心
等一痛切五體投地歸依世間大慈悲父

南無彌勒佛 南無釋迦牟尼佛
南無多聞海佛 南無持華佛
南無不隨世佛 南無喜衆佛
南無孔雀音佛 南無不退沒佛
南無斷有愛垢佛 南無威儀濟佛
南無無動佛 南無諸天流布佛
南無寶步佛 南無華手佛

南無威德佛 南無破怨賊佛
南無富多聞佛 南無妙國佛

南無華明佛 南無師子智佛

南無月出佛 南無滅闍佛

南無師子遊戲菩薩

南無無邊身菩薩

南無觀世音菩薩

南無無邊身菩薩

又復歸依如是十方盡虛空界一切三寶願

以慈悲力同加覆護願今日道場同懺悔者

從今日去乃至菩提一切罪因無量苦果悉

得斷除煩惱結業畢竟清淨諸佛法會常得

身預行菩薩道自在受生四等六度如說修行四辯六通無不滿足百千三昧應念現前諸總持門無不能入早登道場成等正覺爲執勞運力禮佛第三十六

今日道場同業大眾重復至誠起慈悲心無怨親想普爲今日轉生作熟執勞隨喜施工運力助營福業者各及眷屬又爲即世牢獄憂厄困苦罔繫閑及諸刑罰念其處世雖獲人身樂少苦多枷鎖杻械未嘗離體或今身造惡或過去所追或應免脫無由自申重

罪分死無救護者如是衆生各及眷屬共等今日以慈悲心普爲歸依一切世間大慈悲父南無彌勒佛南無釋迦牟尼佛南無次第行佛南無福德燈佛南無音聲治佛南無憍曇佛南無勢力佛南無身心住佛南無善月佛南無覺意華佛南無上吉佛南無善德佛南無善威德佛南無智力德佛南無善燈佛南無堅行佛南無天音佛

南無 安 樂 佛 南無 日 面 佛
南無 樂 解 脫 佛 南無 戒 明 佛
南無 住 戒 佛 南無 無 執 佛
南無 師 子 楠 菩 薩 南無 師 子 作 菩 薩
南無 無 邊 身 菩 薩 南無 觀 世 音 菩 薩

又復歸依如是十方盡虛空界一切三寶願
以慈悲力同加覆護願今日執勞隨喜者各
及眷屬從今日去至于菩提一切罪障皆得
消滅一切衆苦畢竟解脫壽命延長身心安
樂永離災厄無復障惱發大乘心修菩薩行

六度四等皆悉具足捨生死苦得涅槃樂又
願天下牢獄諸餘刑禁徒囚繫閉憂厄困苦
諸有疾病不得自在者各及眷屬以今爲其
禮佛功德威力一切衆苦皆悉解脫惡業對
因畢竟除斷出牢獄戶入善法門壽命無窮

智力無盡身心未樂如第三禪憶牢獄苦念
諸佛恩改惡修善皆發大乘行菩薩道至金
剛際還復度脫一切衆生同登正覺神力自

在

發迴向第三十七

今日道場同業大眾已得發心辦所辦竟次復應須以前功德各發迴向何以故爾一切衆生所以不能得解脫者皆由著於果報不能捨離若有片福一毫之善能迴向者則於公光果報不復生著便得解脫優遊自在所以經十六數修行迴向爲大利益是故今日應發迴向兼勸一切不著果報我等相與先應至心五體投地歸命敬禮世間大慈悲父

南無彌勒佛 南無釋迦牟尼佛
南無堅出佛 南無安闍那佛

南無增益佛 南無香明佛
南無達藍明佛 南無念王佛
南無蜜鉢佛 南無無礙相佛
南無信戒佛 南無至妙道佛
南無樂實佛 南無明法佛
南無具威德佛 南無至寂滅佛
南無上慈佛 南無大慈佛
南無甘露王佛 南無彌樓明佛
南無聖讚佛 南無廣照佛
南無文殊師利菩薩 南無普賢菩薩

南無無邊身菩薩 南無觀世音菩薩
又復歸依如是十方盡虛空界一切三寶願
以慈悲力同加覆護一切行願皆得圓滿

今日道場同業大眾從今日去至于菩提行

菩薩道誓莫退還先度衆生然後作佛若未

得道中間猶滯生死者以此願力令此大眾

在所生處身口意業恒自清淨常發柔軟心

調和心不放逸心寂滅心真心不雜亂心無

貪慾心大勝心大慈悲心安住心歡喜心先

度一切心守護一切心守護菩提心誓等佛

心發如是等廣大勝妙之心專求多聞修離
欲定饒益安樂一切衆生不捨菩提願同正覺

代發迴向法

今日道場同業大眾相與頓跪合掌心懃口

言隨我今說

十方諸天仙 所有功德業 我今爲迴向

同歸正覺道 十方龍鬼神 所有勝善業

我今爲迴向 同歸一乘道 十方諸人王

所修菩提業 我今爲迴向 同歸無上道

六道衆生類 所有微善業 我今爲迴向
同歸無上道 十方佛弟子 善來比丘衆
無著四沙門 及求緣覺者 隱顯化衆生
明了因緣法 如是兼一切 盡迴向佛道
十方諸菩薩 讀誦受持經 入禪出禪者
勸總行衆善 如是等三乘
盡迴施衆生 同歸無上道 一切衆德本
聖道諸善業 我今勸迴向 天上及人間
發心及懺悔 自行若勸人 所有微毫福
盡迴衆生 衆生不得佛 不捨菩提願

一切成佛盡 然後登正覺 仰願佛菩薩
無漏諸聖人 此世及後生 惟願見攝受
今日道場同業大眾相與至心五體投地奉
爲國王帝主迴向奉爲父母親緣迴向奉爲
師長同學迴向奉爲信施檀越善惡知識迴
向奉爲護世四王迴向又爲十方魔王迴向
又爲聰明正直天地虛空主善罰惡守護持
咒五方龍王龍神八部迴向又爲幽顯一切
靈祇迴向又爲十方盡虛空界一切衆生迴
向惟願十方諸天諸仙龍神八部一切衆生

從今日去至于菩提恒會無相不復耽著

慈悲道場懺法卷第九

音釋

迄	許訖	切	轍	直列	切	車輪	齡	郎丁	切	饋	求
	至也			所報跡也			年也				
机	鈞舉	復	切	燒	而	沼	沮	在呂	切	瞇	於計
	案也			切			抑也			陰	
憚	去劫	切									
	懼也										
罔	魚巨	郎丁	切	罔	圓						

永樂北藏

慈悲道場懺法

第一五二册